



Concello de Pedrafita do Cebreiro

Dona Lucía López López, Secretaria - Interventora accidental do Concello de Pedrafita do Cebreiro (Lugo),

CERTIFICA:

Que en data 22 de febreiro de 2018 a Xunta de Goberno Local da corporación adoptou o seguinte acordo que copiado literalmente di:

“PUNTO TERCEIRO.- APROBACIÓN, SE PROCEDE, DAS BASES PARA ACTUALIZACIÓN DE MÉRITOS DAS BOLSAS DE EMPREGO DE AUXILIARES DE AXUDA NO FOGAR

Visto o informe da traballadora social do concello de Pedrafita do Cebreiro

A Xunta de Goberno Local, por unanimidade dos membros asistentes, e en votación ordinaria,

A C O R D O U:

PRIMEIRO.- Aprobar as bases que rexerán a convocatoria para actualizar méritos nas bolsas de emprego de auxiliar de axuda no fogar aprobadas nas datas 15/09/2011, 29/11/2012, 19/05/2016, 18/05/2017, 13/10/2017 co seguinte contido:

“BASES PARA ACTUALIZACIÓN DE MÉRITOS DAS BOLSAS DE EMPREGO DE AUXILIARES DE AXUDA NO FOGAR

I. OBXECTO DA CONVOCATORIA.

É obxecto da presente convocatoria a actualización de méritos das bolsas de emprego de auxiliares de axuda no fogar, para confeccionar unha relación nominal de interesados/as, debidamente ordenada para cubrir as vacantes en postos de traballo de Auxiliar de Axuda no Fogar e que se produzan con motivo de:

- Contratacións temporais, interinos, ausencias, disfrute de licenzas, vacacións, I.L.T., necesidades de servizo, ou calquera outra circunstancia similar.

II. NORMATIVA APLICABLE.

No non previsto nas presentes bases, resultará de aplicación o TEEBEP. Así mesmo e nos aspectos non derogados expresamente e que non se opoñan ao disposto no TEEBEP, tamén será de aplicación:

- Lei 30/1984, de 2 de agosto, de Medidas de Reforma para a Función Pública.
- Lei 7/1985, de 2 de abril, reguladora das Bases de Réxime Local.
- Real Decreto Lexislativo 781/1986, de 18 de abril, polo que se aproba o Texto Refundido das disposicións legais vixentes en materia de Réxime Local.
- Decreto 364/1995, de 10 de marzo, que aproba o Regulamento Xeral de Ingreso de Persoal ao Servizo da Administración do Estado.
- Real Decreto 896/1991, de 7 de xuño, polo que se aproban as regras básicas e

Concello de Pedrafita do Cebreiro



Concello de Pedrafita do Cebreiro

programas mínimos do procedemento de selección de funcionarios de Administración Local.

- Lei 53/1984, de 26 de decembro, de Incompatibilidades do persoal ao Servizo das Administracións Públicas.
- Lei 39/2015, do 1 de outubro, de Procedemento Administrativo Común
- Lei 2/2015 do 29 de abril, de emprego público de Galicia.
- Lei 5/1997, de 22 de xullo, reguladora da Administración Local de Galicia.
- Acordo do 19 de outubro de 2017, polo que se modifica parcialmente o Acordo do Consello Territorial do Sistema para a Autonomía e Atención á Dependencia de 27 de novembro de 2008.
- Demais disposicións aplicables.

III. ANUNCIO DE CONVOCATORIA E PUBLICIDADE.

Unha vez aprobadas estas Bases anunciaranse no Taboleiro de Anuncios e na páxina web do Concello de Pedrafita do Cebreiro, o mesmo tempo que se lle comunicará por correo certificado a cada unha das persoas inscritas nas bolsas de emprego vixentes.

IV. PRESENTACIÓN DE INSTANCIAS.

1.- As persoas inscritas nas bolsas de emprego, teñen que tomar parte no proceso de actualización de méritos convocado, debendo facelo constar mediante unha instancia, modelo Anexo I, dirixida ao Sr. Alcalde- Presidente do Concello, na que manifestarán, ademais dos datos persoais co enderezo a relación de méritos que adxunta.

2.- Aquelas persoas que estando nalgunha das bolsas de auxiliares de axuda no fogar e non presenten instancia para actualizar méritos ou manifestar que non teñen méritos que actualizar quedarán excluídos/as das vixentes bolsas .

3.- O prazo de presentación de instancias 5 días hábiles dende a recepción da notificación.

4.-Xunto á instancia achegarase:

Fotocopia compulsada do DNI.

Copias cotexadas das certificacións ou diplomas que acreditan os cursos realizados polos aspirantes.

Copias cotexadas dos contratos de traballo ou certificacións de servizos prestados expedidas polos organismos oficiais no que se prestaron.

Aquelas persoas que se atopen nalgunha das bolsas de emprego de auxiliares de axuda no fogar e non teña méritos que actualizar, deberá facelo constar na instancia.

5.- As instancias, xunto coa documentación indicada, presentaranse no Rexistro Xeral desta Corporación ou na forma que determina o artigo 16 da Lei 39/2015, de 1 de

Concello de Pedrafita do Cebreiro



Concello de Pedrafita do Cebreiro

outubro, do Procedemento Administrativo Común das Administracións Pública, neste último caso, deberase adiantar por fax ó 982367150 as instancias presentadas en devanditos rexistros oficiais.

V. ADMISIÓN DE INSTANCIAS.

1.-Rematado o prazo para presentalas instancias, o Alcalde ditará resolución que conterá:

- a designación do tribunal cualificador e a data da súa constitución.
- a data, hora e lugar en que se valorarán os méritos alegados polos candidatos.

Esta resolución publicarase de xeito íntegro no Taboleiro de Anuncios do Concello.

VI. TRIBUNAL CUALIFICADOR.

O Tribunal de selección acomodarse ao establecido nos artigos 60 e 61 do TREBEP e estará integrado por 3 membros, designados mediante Decreto de Alcaldía.

Na composición do Tribunal tenderase á paridade entre homes e mulleres. Non poderán formar parte dos Tribunais as persoas de elección ou designación política, os funcionarios interinos e o persoal eventual.

O Tribunal Cualificador deberá constituírse na data que designe o Sr. Alcalde, entendéndose validamente constituído cando asista a maioría absoluta dos membros e sempre a do Presidente e o Secretario. Na sesión constitutiva adoptaranse as decisións pertinentes para o correcto desenvolvemento do proceso. Os seus acordos serán impugnables nos supostos e na forma establecida pola Lei 39/2015, do 1 de outubro.

Os acordos serán adoptados por maioría dos asistentes con voz e voto, dirimindo os empates o voto de calidade do/a Presidente/a.

O tribunal está facultado para interpretar e resolver as cuestións que poidan suscitarse na aplicación das normas de procedemento, inspirándose a súa actuación no principio de economía, celeridade e eficiencia.

Os membros do Tribunal deberán absterse de intervir, comunicándolle ao Presidente cando conorra neles algunha das circunstancias previstas no art. 23 da Lei 40/2015, do 1 de outubro, de Réxime Xurídico do Sector Público. Así mesmo, os aspirantes poderán recusar aos membros do tribunal cando conorra neles algunha das circunstancias previstas para a abstención e de conformidade co establecido no art. 24 da Lei 40/2015.

VII. VALORACIÓN DE MÉRITOS :

As persoas inscritas nalguna das bolsas de emprego vixentes, interesadas en actualizar os seus méritos, deben presentar méritos obtidos con posterioridade á publicación da bolsa na que estén inscritos.



Concello de Pedrafita do Cebreiro

1.-Valorarase a experiencia profesional segundo os seguintes criterios ata un máximo de 10 puntos

Por desempeñar ou ter desempeñado o posto de traballo ou similar ao que se convoca, ou realizar as funcións deste, na Administración Pública, ou organismos autónomos de carácter administrativo dependentes da mesma, como funcionario ou laboral 1 punto por cada ano traballado ata un máximo de 6 puntos.

Por desempeñar ou ter desempeñado o posto de traballo ou similar ao que se convoca, ou realizar as funcións deste, en Entidades Privadas 1 punto por cada ano traballado ata un máximo de 4 puntos.

(Acreditarase mediante copias cotexadas dos contratos de traballo ou certificacións de servizos prestados expedidas polos organismos oficiais no que se prestaron e a vida laboral)

2.- Cursos relacionados coa actividade a desenvolver no posto de traballo, impartidos pola Administración Pública ou entidades delas dependentes ou homologados ata un máximo de 1 punto.

A puntuación correspondente por cada hora de formación equivale a 0.05 puntos.

(Se acreditarán mediante copias cotexadas das certificacións ou diplomas que acreditan os cursos realizados polos aspirantes)

VIII. RESOLUCIÓN DO PROCESO DE ACTUALIZACIÓN DE MÉRITOS.

A puntuación total dos participantes virá determinada, pola suma dos puntos obtidos da suma dos puntos 1 e 2 do punto VI.

En caso de empate, terán preferencia os participantes que obteñan a maior puntuación no punto 1 de experiencia laboral e así sucesivamente ata que se desempate. Se persiste o empate, resolverase por sorteo público.

O Tribunal publicará a relación pola orde de puntuación no Taboleiro de Anuncios e elevará dita relación ao Alcalde- Presidente que aprobará a relación de candidatos pola súa orde de prelación aos efectos da formación das bases de emprego.

IX. REGLAS DE FUNCIONAMENTO DA BOLSA DE TRABALLO.

Formalizaranse as bolsas de emprego de auxiliares de saf pola orde de puntuación total obtida neste proceso de actualización de méritos, que será empregada para o chamamento de candidatos para a realización de substitucións por vacacións, incapacidades temporais e outras análogas e para a realización doutras contratacións laborais temporais previstas no artigo 15.1 do Estatuto dos Traballadores, aprobado por RDL 1/1995, de 24 de marzo, sempre que correspondan á categoría profesional da bolsa de emprego.

Concello de Pedrafita do Cebreiro



Concello de Pedrafita do Cebreiro

O funcionamento desta bolsa de emprego rexeráse polas seguintes regras:

1ª.- A comunicación da selección do candidato realizarase mediante correo certificado con acuse de recibo, por unha soa vez. O candidato deberá comunicar a aceptación ou o rechazo do posto seleccionado para a contratación por escrito no prazo máximo de 3 días hábiles dende a recepción da presente carta. Se o candidato rexeita a contratación ou non se comunica a debida resposta, o empregado público encargado da xestión da bolsa realizará unha dilixencia en tal sentido de renuncia do candidato. No suposto de que un candidato/a rexeite tres veces o posto ofertado sen causa xustificativa (Contrato de traballo, certificado médico, informe social...) quedará excluído automaticamente da bolsa de emprego de correspondencia da categoría de auxiliar do servizo de axuda no fogar vixentes no Concello de Pedrafita do Cebreiro ata a data actual.

Nos supostos nos que a necesidade de cobertura dun posto non fose previsible coa antelación suficiente ou polas circunstancias concorrentes no proceso de chamamentos debidamente acreditadas, fose necesario a súa cobertura de xeito urgente para evitar graves prexuízos no funcionamento e/ou prestación do servizo público, o chamamento poderá realizarse telefonicamente. Neste suposto, o empregado público que as realice fará constar mediante dilixencia a súa realización, e se tiveron ou non resposta, así coma o sentido desta.

2ª.- O chamamento efectuarase respectando o Acordo do 19 de outubro de 2017, polo que se modifica parcialmente o Acordo do Consello Territorial do Sistema para a Autonomía e Atención á Dependencia de 27 de novembro de 2008, de tal xeito que se priorizará o chamamento sobre as persoas que teñan as titulacións esixidas no Acordo fronte as persoas que carezan de titulación. Salvo que por imposibilidade derivada da normativa laboral, non poda formalizarse con ese aspirante o contrato laboral temporal requirido.

Unha vez finalizado o correspondente contrato laboral formalizado cun traballador integrante da bolsa, este se reincorporará á mesma, pasando a ocupar a mesma posición.

Para o caso de que, chamado un integrante da bolsa para unha contratación temporal, renuncie á contratación proposta, non perderá por iso o seu dereito á pertenza á mesma, pero pasará a ocupar o último lugar dentro dela. Non obstante o anterior, non perderá a súa posición na bolsa se a renuncia está xustificada. No caso de que renuncia ata tres veces sen causa xustificada expulsarase da presente bolsa e das que rexen para a contratación da categoría de Auxiliar de Axuda a Domicilio.

3ª.- En ningún caso a mera pertenza á bolsa implicará dereito algún a obter nomeamento ou contrato laboral, garantíndose unicamente que, cando o Concello considere conveniente a súa utilización polos motivos que foran se respectará o procedemento de chamamento regulado nestas bases, podendo o Concello cando o considere conveniente, de forma xustificada, para cubrir certos postos vacantes ou contratos temporais convocar ex proceso un proceso selectivo.

4ª.- Aos efectos da contratación, aplicarase o disposto no Acordo do 19 de outubro de 2017, polo que se modifica parcialmente o Acordo do Consello Territorial do Sistema

Concello de Pedrafita do Cebreiro



Concello de Pedrafita do Cebreiro

para a Autonomía e Atención á Dependencia de 27 de novembro de 2008. Sobre criterios comúns de acreditación para garantir a calidade dos centros e servizos do Sistema para a Autonomía e Atención á Dependencia, modificado polo Acordo do 7 de outubro de 2015, as persoas que non estén en posesión da cualificación profesional de Atención Sociosanitaria a persoas no domicilio, establecida polo Real Decreto 295/2004, de 20 de febreiro, según se determine na normativa que o desenvolve, comprometerase mediante declaración responsable, a participar nos procesos de avaliación e acreditación da experiencia laboral, ou realizar a formación vinculada ós correspondentes certificados de profesionalidade ou títulos de formación profesional ata o 31 de decembro de 2022.

O mesmo acordo contempla que quenes realicen as funcións de asistencia persoal a persoas en situación de dependencia, previstas no artigo 19 da Ley 39/2006 , de 14 de decembro, de Promoción da Autonomía Persoal e Atención ás persoas en situación de dependencia, e os /as auxiliares de axuda no fogar, deberá acreditar a cualificación profesional de Atención sociosanitaria a persoas no domicilio, establecida polo Real Decreto 295/2004, de 20 de febreiro, según se determine na normativa que a desenvolve.

A tal efecto considéranse os seguintes títulos e certificados:

Título de técnico en coidados Auxiliares de Enfermería, ou os títulos equivalentes de técnico auxiliar de clínica, técnico auxiliar psiquiatría, e técnico auxiliar de enfermería.

Título de Técnico en Atención a Persoas en Situación de Dependencia.

Técnico Superior en Integración Social.

Certificado de profesionalidade de Atención Sociosanitaria de persoas dependentes en institución sociais.

Certificado de profesionalidade de Atención Sociosanitaria a persoas no Domicilio.

X. IMPUGNACIÓN.

A presente convocatoria, as súas bases, e cantos actos administrativos se deriven dela e das actuacións do tribunal, poderán ser impugnados polos interesados nos casos e formas previstas na Lei 39/2015, do Procedemento Administrativo Común.

ANEXO I

SOLICITUDE DE PARTICIPACIÓN NO PROCESO PARA PARA ACTUALIZACIÓN DE MÉRITOS DAS BOLSAS DE EMPREGO DE AUXILIARES DE AXUDA NO FOGAR DO CONCELLO DE PEDRAFITA DO CEBREIRO.

D. /D^a. _____ Natural
de Provisto de _____

Concello de Pedrafita do Cebreiro



Concello de Pedrafita do Cebreiro

DNI _____
Con domicilio a efectos de notificación _____
Teléfono _____ inscrita na
bolsa de emprego de auxiliares de axuda no fogar aprobada pola Xunta de Goberno
Local na data _____

Expoño:

Que reúno tódalas condicións esixidas polas bases da convocatoria para a actualización de méritos da bolsa de auxiliar de axuda no fogar do Concello de Pedrafita do Cebreiro.

Documentación que se adxunta:

	Fotocopia de DNI.
	Copias cotexadas das certificacións ou diplomas que acreditan os cursos realizados polos aspirantes
	Copias cotexadas dos contratos de traballo e/ou certificacións de servizos prestados expedidas polos organismos oficiais no que se prestaron.
	Que non teño méritos que actualizar na categoría de auxiliar de axuda no fogar.

En Pedrafita do Cebreiro, a de 2018

Asdo.:

Sr. Alcalde- Presidente do Concello de Pedrafita do Cebreiro”

SEGUNDO: Publicar as bases no Taboleiro de Anuncios e na páxina web do Concello de Pedrafita do Cebreiro aos efectos do seu xeral coñecemento.”

E para que conste aos efectos oportunos, asino o presente certificado coa salvedade a que se refire o artigo 206 do ROF, en Pedrafita do Cebreiro, na data da sinatura electrónica a marxe.

O alcalde presidente

A secretaria interventora accidental

Asdo.: José Luís Raposo Magdalena

Asdo.: Lucía López López

Concello de Pedrafita do Cebreiro